

四庫全書

集部

欽定四庫全書

御製詩三集卷五十六

古今體一百十五首

丙戌四

敬賦中正仁和

此四字

皇考御書養心殿扁額也日夕仰瞻以為莅政臨民法
則敬賦心存並示來許

奎畫殿楹懸因文

道以詮養心奚外此

示後永無愆律已旰宵慎臨民政化宣守中惟不倚居
正要非偏仁則物皆育和斯情畢聯分雖各具義合是
一承乾清宴寧堪恃崇高益翠虔晨昏茲惕息四字奉
堯傳

命書各省總督以下知府以上將軍以下總兵以
上名於殿壁詩以誌事

六卿近分職日覲切疇咨方伯各司牧地速或忘去聲遺

念茲文武衆胥任典常資殿壁名陳列宵衣予細披元
康傳要論貞觀著前規時亮虞廷慎卓哉不可追

上巳日御園作

祓禊由來此日靈兼簡贈藥詠葩經古惟上巳遺風邈
今用初三俗例聽勝節景光披澹蕩御園花木正薰馨
還宮屈指晨昏四塘柳絲添爾許青

貯清書屋

引流繞砌宛成池小小書窓恰受宜設曰一塵不到處

已居二諦落詮時

曠然堂

林木翳然處視聽却曠然蓋無繫於物率可得乎天不
愛花錦繡寧須禽管絃芸編足討繹久矣共周旋

含韻齋玉蘭花

春園花事日為加看到辛夷忘去聲衆葩香欲擬蘭蘭有

郁色如方玉玉無瑕

簇簇芳蕤濯濯枝品題真覺韻為宜齋前不語以神會

去歲江南正此時

幽閒態度淨真味江今年年夢裏春
那藉詩箋將畫筆
羸他百卉自傳神

綠帷舫

藉林為碧幔結宇臨清瑤似舫則舫之面面開
芸寮那計風順逆無慮水漲消然予有深意寧云寄蘭橈十思
標名言所以慎肝膏

灌竹

春月竹之秋性與羣卉殊不於殊處觀安知君子夫蒼
玕倚颯影似羞紅綠俱況抽籜龍時可漠聽菀枯灌溉
課園人桔槔引水輸事半而功倍何靳弗為乎町埭俾
均霑生意迴須臾聞之先哲語善培危與扶寧惟竹然
哉絮矩紛殷吾

微雨

三月初
六日

昨近稍作風妬桃約如宿亦知土膏潤寧惜落花藪恐
踐清明占

農家占驗清明日風則是月風多雨少昨清
明日風傍晚即止雖不足為慮未免切切於

懷

為是心戚促何期風送雲侵曉霏銀竹歷辰乃至已
疎密間陸續掘土濕二寸下接地氣沃雖非霑渥優頗
足資滲漉望外訝何脩遇共三農福慰敬並切衷麥秋
庶可卜

曉

雨後曉益清春暮景方綺淦淦待暎枝濛濛含露蕊旦
氣不惟人於花亦佳矣而我問政心早起非緣此

題趙昌花鳥

海棠白
頭翁

如白復疑紅絲絲颺惠風一枝棲正穩滿意入芳叢
嫩葉芳葩襯春光幘裏留不知枝上烏頭白為誰愁

詠漢玉穀壁

肉好合度五等頒周時物也漢豈關莒乎邾乎佳城寒
何代復出人世間土華繡潤文駁班宛若多穀堆玉盤
惜得形容不得餐擊之可作鳴球觀中律那藉羊頭山

恭奉

皇太后遊萬壽山清漪園即景得句

潤渥園林小雨餘煙光暢好暮春初無邊景奉

慈顏豫有願山同

萬壽如溪畔室聞鳴織杼岸傍田見起耕鋤
天家行樂寧殊異樂與民間每相入於

樂壽堂

山翠水波鮮

高堂燕喜便誠堪

樂永日益祝

壽如川花纈欲開錦鳥調不操絃

安輿扶小步勝賞更迎前

昆明湖泛舟作

一片明湖千頃波布帆不動惠風和雖然欠入雙峯影
却見西山濯翠螺

汀蘭岸柳鬪青時暎帶煙光潤且滋寂愛湖心教緩棹
春雲又作雨絲絲

蜿蜒長隄接六橋虛明鏡裏蒨蘭橈羣芳傲得東坡句

西子奚稱獨冶姚

插秧尚早育蠶未北地由來節候遲耕織圖邊花柳意
待人著語是便宜

睇佳榭

舟艤水之涯山榭亦有齋三春宜騁望萬景正臻佳畫
幘得神展鏡奩入影指拈毫便成句夫豈待安排

題暢觀堂

岑頂書堂俯邈迤遐奇近趣望中披西山翠影右襟挹

東沼明漪左顧撫攬景真宜暢遠眺循名更復塵深思
從來熟讀韋編語觀我觀民慎在茲

懷新書屋口號

試問憑窓底絕勝金河兩戒疊鱗塍插秧時節雖遲待
書屋懷新意有恒

水周堂

前俯明湖後曲池澄泓映帶近階墀一年幾日此閒坐
秋月春風付碧漪

構虛軒

軒榭號構虛其理可言諸梵稱四天下依空住無餘試
看實相紛那非虛名居澹然外既爾廓然內亦如苟以
方為文小哉其飾車

翠籟亭

古榦那知春與秋邇來也覺翠陰稠雲和疑是雙成按
聲在綠瓊深處流

花承閣

梵閣隆崇俯衆芳其中端坐大醫王恰如玉局十四字
極樂於斯現道場

微雨

三月十一日

五風固不辭

月之六日亦風後微雨

風定雨仍隨所惜欠霑耳亦

欣希遇之為花濯塵土於麥益芄離終願霈優渥吾懷
寧有期

春雨軒

文軒豈不佳一年有數到率因雨知時乃來觀其妙是

蓋弗易得艱致從吾好今朝霏細霏煙中窮窈窕真樹
濯祥花假山藏迴嶠軒傍開菜圃疑是芝田塙所欣在
茲乎因近遠可校

澹然書屋

半畝銀塘漾碧連書齋十笏石欄邊憑窓鑑影休嫌小
亦足因心印澹然

芥舟

杯水無殊覆坳堂堂如舟亦芥堪方蒙莊原謂膠舟者

安識須彌箇裏藏

命張若澄圖雪浪石至詩以誌事

若靄昔圖石謂已傳其神今復雪浪出難喚泉下人其
故見長記茲弗更贅言然不可無圖若澄其繼昆况匪
嘉陵遙來徃數朝昏宛然片石峯水活蜀兩孫元方與
季方孰假又孰真坡翁笑軒渠總非意所存

賦得三復白圭

五言八韻得寒字
會試題

慎言頤象著後語繫辭觀昔有南容者永懷衛武歎玉

瑕猶可理詞玷那能刊圭璧雖方德樞機在謹端缺鑣
平實易失逝救斯難宜凜莫捫戒毋令多敗干惕思綸
綉出鞏守甌瓶安三反緬宮迺謹論敢使寒

詠瓷掛瓶

依然膽掇式

膽甌紙掇瓶皆
瓶式之最佳者

却異汝官珎動挈路塞秀

靜懸屋盎春製惟日趨巧道不易還淳紅紫隨時閱何
曾著點塵

題宋人胡笳十八拍圖

河東已適衛仲道據去奚難矢死持既為去聲賢王生子

矣于歸董祀又何為

拍成十八寫心悲端操宣城豈直辭

范勝列女傳贊端操有蹤云云文姬

豈足當之進退徒成無據耳特因才辯幸文姬

豐澤園演耕作

藉禮行將舉弄田先習耕仰窺

垂制意

豐澤園為躬耕藉田預行演耕之地

皇考每歲

特寓重農情金耜翻土潤青箱播穀精林鳩偏入聽喚

雨一聲聲

春耦齋小憩得句

往返無過三四推便稱春耦
憩來宜愧他農父勤南畝
勞苦誰憐胼與胝

虛白室

岿嶠疊石為歲紆得逕入情知
本人工訝似天然立樸
宇構壺中月窓晒雲岌於斯
白乃生亦曰虛所集應付
無事人獨坐而靜習

植秀軒

一軒與一室率各有殊名觸景每拈毫亦足以暢情植
秀云何稱萊竹園菁菁春實竹秋時蒼玕颯欲零灌溉
命園人扶危而定傾將見新筍拔綠與巖雲橫棧樸興
育賢企之吾懷縈

韻古堂

溪堂液沼前周代鑄鐘懸依次十二月閱時千百年遐
思雅頌際仍在瑟琴邊韻古寧惟是成康治杳然

題懷遠齋

懷遠齋中懷遠心萬方政治萬民臨顧名思義輒成句
不為怡情為自箴

湫清院

南池迤北岸步輦便中移松竹最佳古石泉更雅奇崇
墻界內外曲逕度欽寄應即入宮禁得毋遊久時

進宮遣懷

時有皇子
殂逝之憾

進宮猶憶近臨問一慟拚休再過諸差矣齋將躬舉藉

宜宜卜憾更懷予

靜怡軒梅花

暮春已過望墀梅開始盛試披羣芳譜奚詮花月令設
曰南北戒暄寒候殊應審然此更北當無紅紫競况茲
桃杏謝節氣非不正我為思其故冬月盆椿靚留此闕
韶妍欲擅江鄉勝

絳雪軒海棠

當軒列古樹春來簇瓊粧絳雪乃舊名名實相稱宜綠

葉扶紅葩原覺饒丰姿適纔詠梅開靜怡之前墀擷彼
復搴斯膽鉗共貯枝可以交忘年漫誚不同時更若擬
唐宮如何相妬為

竹柄玉如意

柄是竹之介朶呈玉則溫措頤豈騰口代語不須言總
謝雕錫迹雅符淳樸原指揮侍臣聽去聲那識意中存

耕藉齋居

中祀雖云兩旦齋一心敬豈有殊差暮春祇盼雲生宇

北景已看日下階
濕土龍孫生埭筍
細陰兔目吐宮槐
披芸寧為資該博
欲溯文言究道荄

陳裸石橋觀瀑圖

松傍對坐兩閒翁
翹望飛泉落半空
別有源頭俯臨者
看從足底瀉清淥

題和闋玉蓮葉仙人圖

叉角仙人面如玉
一葉紅蓮大餘馥
緣誰傳是太乙精
待詔東方識竒躅

夕

暮春晝漸長
牕輝西北影
須臾亦蒼然
暝色侵綺井
蓮檠銀燭光
圖書伴閒靜
盤摘風前梅
椀淪雨前茗
城鐘漫嫌促
汲古意為永

恭祭

先農壇禮成有述

佐

天興稼穡藉必祀

先農古亥陳馨苾躬親致敬恭春風漸蓬勃臘雪辛優
濃終籲時霖霈

明神聽庶容

耕藉禾詞

司農京兆進犁鞭黃道迎南直似弦恭已倡民宜用慎

却思將事隔經年

去歲南巡
未耕藉

取諸益象自神農耒耨由來萬古宗自在勤民寶稼穡

豈關剡木飾金龍

春耕仲月早成詩吉亥云當此際宜雖是司天撰良日

究為親土太遲時

耕藉例謂三月初亥今歲欽天監以初六日乙亥不宜栽種遂移用次亥

播穀之期未免略晚

三推加一陟臺崇農具農夫列候同非不幽風圖日覽

關心觸日塵田功

雨

三月二十日

昨日傍晚風吹霾吁嗟此象良非佳臘雪雖霑詎足恃
春膏屢沐欠優該郊麥豈不芄芃綠再雨庶可占登秣

夜半問乃問風止忽報落雨信還猜披衣曉起正霽霽
雨誠信矣誠奇哉歷辰達巳間踈密地無乾土滋莓苔
園人已報霑四寸縱飾三寸宜無差於絕望中獲所望
天恩稠渥奚為懷愛民重穡惟益勵豫南齊左其亦皆
繪雨精舍

精舍撲淳溪町間尋常繪事總宜刪今朝雨裏披真趣
水罷翻車蛇骨閒

引涼小樓

過午春晴朗小樓信步登誰知片時暖却作密雲蒸灑
雨忽成颯引涼真絕勝花光將樹態總在潤中憑

即景

時放晴光時雨絲江南春景到京畿吾寧喜為

去聲園花

好禾乘種齊綠麥肥

夜雨

三月廿一日

三更復作雨較向勢增優院冷窓間遞簷聲枕上流芭

蕉惜未植

北方寒夏月始移植芭蕉於庭院間

趁麥卜堪收自幸還自問

奚承

恩疊稠

莽子行

莽子緬甸之屬夷炎徼以外非羈縻邇來朱波多內亂
紛為雄長相爭持無暇顧莽莽猖獗蹂躪漸及諸土司
土司列居州縣外實我滇省之藩籬而何貂獫無遠慮

金帛餌莽莽益滋更蕪召散覲孟良

孟良酋長猛孟容與其姪召散有隙

召散因勾引莽子往踞其地并擒猛孟容其子召丙逃入猛遮召散復欲追殺遂至猛遮索取是莽匪滋釁之

由名散實
為罪魁

遂引莽匪為憑資竟據孟艮作窟穴肆其焚

掠靡介遺是時劉藻實方伯意在姑息遷延期豈知養

癰乃成患爰始發兵封奏馳藻本書生曉民事軍旅之

事非所知亟易重臣命往代

前以劉藻本係書生調度
軍務非其所能故一聞發

兵之信即命大學士楊應琚
往代之調劉藻為湖廣總督

內地民務原相宜應琚

至彼需時日藻所發兵少且遲忽稱全軍盡覆沒忽稱

六百五百歸所報三弁戰歿者又皆無事還營麾藻乃

白簡劾三弁猶謂貪功喪軍威是皆無備遇賊竄亦藻

之奏那云斯

劉藻尋奏將領何瑱詔明浩楊坤奉派整
控江堵禦莽匪將軍器捆載徒手渡江軍

行漫無紀律至猛往突遇莽匪衝出星散奔逃是其庸
怯失律罪無可逭乃劉藻輕信綠營誣稟不察虛實始
則報稱何瑱詔等率兵渡江皆沒於賊繼則奏兵卒陸
續歸營惟何瑱詔已死彼時即疑其必非實情傳諭詰
詢未幾奏至則何瑱詔等先後逃回劉藻仍復不加
深鞫輒擬以貪功輕進之罪是非顛倒其謬更甚

先

是莽犯整控際藻以普洱藉託詞倉皇遂棄思茅返吁
嗟詎可猶寬其褫職以為衆臣戒用人之失自忸怩驛
行萬里旨未到忽報藻刎誠大奇守土之臣生死共並
未失土奚為而節鉞觀瞻責綦重自死三軍其賴誰應

踞馳至報其故始事藻已驚魂飛股戰不知所措手足數

日絕食強

上聲

乃飴

楊應琚奏至滇後聞劉藻當賊勢猖獗時一籌莫展竟至數日不食早欲

求死經人勸解始食則其無故自戕實由恒懼所致尤為可鄙

終致飲釁斃已命非捐

軀比懼所為鴻詞博學信何用

藻向中博學鴻詞科

文章點筆詠

牧之輕裘葛巾不跨馬儒將古有今何稀乃至跼蹐失

素守匹夫之諒擬猶非滇南文武傳笑語詎滇南也千

古貽蠻觸豈足汙我斧得人自速安邊陲得人自速安

邊陲緝克靖遠佇待茲

雨前茶

新芽麥顆吐柔枝水驛無勞貢騎馳
記得湖西龍井谷筠筐老幼採忙時

第一泉花活火烹越甌湘鼎伴
高清晰夷中句薦然憶新穀新絲合共情

詠柴窰枕

色如海玳瑁青異八牋遺

遵生八牋論柴窰青如天

土性承足在

亦出

八牋云曹仲明則曰柴窰足多黃土

銅非箱口為

舊說多有以銅箱口者此獨無

千年火

氣隱一片水光披未若永宣巧龍艘落葉斯

題金廷標倭仔當熊圖用蟬聯韻體

熊佚直前當以身用加敬重倍羣嬪漢家天子猶隆準
頓使英風讓婦人

格熊原有羽林人未免矜長耀衆嬪豈識封侯幾
史立翻因此以害其身

讀如
龔

立夏

三月廿
七日

青帝將旋駕祝融又紀時四興相遞代一氣與推移花

處紅徐減林中綠更滋南風雖應律過恐雨稽期

是日南風

過盛恐致
稽雨為慮

西直門外

輕風麥浪細飛芒十日看抽爾許長更喜穀田經雨後

青青已見出新秧

觀光今歲聚人多

昨因舉人選途壅滯降旨疏通士子
聞風踴躍雲集京師較每科倍多而

市肆米價仍然平減
蓋因連歲豐收所致

米價依然平不過設使西成又綏

屢同民額手慶如何

有事因之復進宮
郊圻便以閱農功
况吾望蜀本來慣
祇願興雲特畏風

欽天監奏立夏占風因成是什

昨日誠南風過盛慮阻雲今日司天臺奏報佳占欣立
夏巽風應歲美書所云其然豈然乎書更始何人人豈
能窺天預定美惡分况風本無定百里不同倫此南
彼或北左券操詎真吾惟協雨暘課驗非所勤

養心殿齋居

已過立夏節孟夏脩將臨曦影下階去紗紋上牖深

宮殿

於立夏後紙窓內上紗櫺俗名替窓

晝長餘有暇古史繹堪尋好樂真無

射惟斯足養心

題漢玉穀壁

王孫國寶曾稱六不數

上

白珩義誠泚庀蔭猶待明德

馨土物緣何缺真穀

嘗謂白珩非寶是也若夫穀寶則遠勝於金珠之類矣王孫圍置而

弗數何哉

三月晦日漫題

落花飛絮過來頻未幾看春又餞春祇有靈臺誇巧測
那知一日不饒人

牡丹

御園初報牡丹開中使頻擎餅送來不用金鈴周致護
那關羯鼓疊為催靜看入畫真丰韻饒有出塵別體裁
風絮相殃背人過謂非神解是何哉

柳絮

似妬牡丹榮顛飛可厭生隨風猶婉軟擬雪鎮縈盈不

定常緣隙如狂特喜晴曾無些用處也自擅浮名

夜雨

三月三十日

過午風霾作因之意不寧誰知雲轉盛遂落雨惟靈砌

潤寒帷問簷聲隔戶聽依旬漫須頌

是月廿一日雨

衾影敬無

形

孟夏有事

太廟述事

鼙鼓肅寅牌午門雨濕街

是日復雨

有顯霑澤思

去聲

無邪奉

先懷

燕翼貽庥永繼支執事皆

祭歸不作樂

凡祭祀禮成有導迎樂齋則不作

雩祀又臨齋

重華宮對雨

太室脩禴候恰欣雨少間明廷歇士餘

是日引見各省入選舉人復

見煙絲渙為澤已慶幸知時更繼繼重華子青宮憩息
值清宴簷處玉聲琤簾際珠光燦有喜共三農昔惟賞

書案

延春閣牡丹

雨中牡丹對春過
恰延春得意有多態
通身無點塵
高松宜作伴
羣卉那堪倫
自愛清香遞
何須睡鴨陳

靜室

假山延閣前
品齧致清迴
種松已合圍
翠蔭謖
籟冷精舍窈窕間
茲焉試習靜
靜不緣習得而況藉之境
小坐旋言去意則於斯永

齋宮對雨

東壁潔齋廬大齋遷以居將

霄顯有若遂雨慶何如潤意滿金祀寒光切碧䟽昔題
一再讀觸目敬深予

題楊大章牡丹

姚黃魏紫譜中貴却未經看露朶榮

所見牡丹不過壽春紅淺嬌紅之類

姚黃魏紫從未見也豈古有而今無益半出於羶薌虛譽耳

因悟從來青史裏幾人

不是浪傳名

晴

甘雨優而渥快晴清且和花枝紅潤澤樹意綠婆娑砌
土蚯蚓出墻輒蝸篆多畫長餘有暇茂對秩南訛

題王原祁倣古六幘

幾株古樹幾重山北苑精神想像間憶得香光圖婉孌

董其昌婉孌草堂
圖亦用北苑法

草堂曾是對高閒

右倣董源疎林浮黛

輕雲欲作雨絲絲綠柳紅桃映水湄恰是去年春二月

行春橋畔問春時

右倣惠崇江南春色

宿雨初收曉煙泮石渠真蹟此無殊

石渠寶笈中有米友仁滿湘圖真蹟

欲知兩米微分處可指山非鶻突圖

右倣米友仁雲山新霽

臨溪野釣背山堂洞裏乾坤世外鄉
常看桃花紅滿樹不教飛去引漁郎

右倣趙孟頫桃源春晝

精舍高低翠岑據老松虬張石虎踞雖稱做古各體俱

却是自家得力處

王原祁畫蓋自
大痴法得悟入

右做黃公望翠岑精舍

祇在精神不在工寒泉曲折豎峯崇伊人墨妙曾無盡
意與溪山正復同

右做吳鎮溪山無盡

詣齋宮作

孟溯甘膏渥大田天橋南畔草芊芊詣壇今歲真逢慶

倍覺欣然倍悚然

英英侵曉又雲興
玉輦憑看顯不勝
晴固無妨雨益好
從來知足定誰曾

虔瞻禮畢就西墉
斗室清居益致恭
已卯來齋詩在壁
較量幸矣意從容

雩祭禮成述事

甘雨優霑

雩祭前

瑤壇瑞露晷祥煙沐

恩何幸逢今歲展恪猶懷濶昨年

去歲以南巡遣官恭代

辰值夏

瞻時舉祀土緣成盛額登田自維奚以酬

明佑益勵勤民益鞏虔

郊外

時享

常雩禮畢成御園返駕出都城近畿想遍優霑澤颯有

微涼迫曉情

今番

去聲

宮中住日多

暢春切問

起居和鳳城纔出西山見雨後峯峰濯翠螺

御園牡丹

御園正值牡丹芳春雨頻霑盛異常芍藥輸情惟受侵

柳英作勢那能殃

近在宮中詠牡丹有風絮相殃背人過之句其日畧作風霾入夜即雨

嗅聞擬罷金鑪藝護惜何須錦帳張君子急周不富繼

吾因絮矩到文場

今歲會試命四書首題即君子周急不繼富句周子云牡丹花之富貴者

也故並
及之

恒春圃作歌

布置花臺與竹籬一室之中宛瓊圃號曰恒春豈謾稱
其故略可觸類語春之為春發羣芳衆名不可更僕數
池荷乃值夏方春菊之春以秋為序山茶蠟梅春於冬
夫豈不然豈浪許是則恒春義若斯而我更有會心所
乾之四德元為首氣貫始終總色舉體仁奉若養盎然
育物對時勤相輔

澹然書屋

書屋低臨碧沼邊近看天水相
入聲澄鮮寧惟恬淨挹襟袖
吾意因之亦澹然

再題安瀾園十詠疊舊作韻

荈經館

綈几繩牀足淨神常陪石友與龍賓
安瀾原寫隅園概遐想因之憶浙民

四宜書屋

四宜即景問何宜
雨後園林首夏時
樹有清陰鋪靜觀
聲花多和氣入聞思

無邊風月之閣

月上松梢惟淨色
風來竹裏是清音
剎塵徧滿無邊趣
祇在尋常咫尺尋

涵秋堂

南華對水便成秋
詎必金巖問所由
最愛空澄入影處
西山常在檻脣浮

遠秀山房

園山因迴屋為高照自遠含秀內韜坐捲珠簾閒攬結
幾曾少履覺微勞

染霞樓

書樓近水聳飛甍映帶煙霞上下清設擬畫圖還覺勝
寫來不定一家名

綠帷舫

紅葉休稱杜牧之綠陰借與舫為帷一般碧水還青藻

那論舟行與岸移

飛睇亭

四柱小亭冠假山樸成不費斲雕艱
偶然陟步憑虛楯雨笠風蓑指顧間

煙月清真樓

月色煙容太古友無雙品格更誰加
寄言搦管為文者領取清真謝藻華

采芳洲

三架疏軒碧水臨青蒲白芷滿沙潯其中亦有芳堪采
豈必定從九畹尋

詠龍泉蜜椀

越冶無夏雪龍泉存曉星中規體月魄尚質色天青琺

自等瑤壁德猶宗土硃澆書取適可

蘇東坡以晨飲酒為澆書子謂酒非

解渴物正宜用之茶耳

詎必關茶經

山西巡撫彰寶奏報得雨

孟朔欣叨雨澤逢密雲西望勢尤濃誰知同日渥甘霽

慶慰之餘益悚恭

題和闐玉桃源圖

桃花夾岸小舟維洞口遲疑未入時此際欲詢陶處士

一篇記語作何為

題元人風雨歸舟圖

迎風冒雨進舟遲水閣人閒坐候之勞者自勞逸者逸
世間萬事有如斯

御製詩三集卷五十六

欽定四庫全書

集部

御製詩三集卷五十七

詳校官侍郎臣謝墉

助教臣常循覆勘

總校官原任臣王燕緒

校對官學正臣卜維吉

謄錄監生臣張同履

欽定四庫全書

御製詩三集卷五十七

古今體一百十首

丙戌五

河南巡撫阿思哈奏報得雨

自春入夏雨霑畿澤慮他方足也微今日一封由豫遞

前旬五寸值霖霏遙知禾黍秧全出更報麥薈苗益肥

接壤齊郊無廬念速詢遂命驛傳

平聲飛

山左境連豫省通日曾否得雨

及有無待澤情形未據奏報因馳諭崔應階令其查明迅速郵奏

浴佛日作

潤逼清和景氣鮮
九龍早是效神權
經猶有字傳斯爾
佛自無塵浴豈然
樹張去聲綠陰金井外
花消紅意石欄邊
封章適報河南雨
願與休徵結善緣

襍言

美玉蘊砥砭良工砥乃現
精鍊藏鑛樸巧冶鑄知幹設
以付凡庸快忽那欣羨絕
節彼高唱俚耳非所玩肆義
彼芳訊俗聽非所善方以類
聚物以羣分臯夔稷契之

臣唐堯虞舜之君彼何人哉乃欲云云主爵都尉有言
卓哉誠不可倫

題劉松年琴書樂志圖

不知四老姓名誰清晝琴書且自怡漫擬商顏寄高躅
滅劉恐中去聲牧之詩

詠金廷標四皓圖反杜牧詩意

牧之不是安劉是滅劉之句可謂卓識然呂后橫
行死而後平勃反正漢之不亡已似千鈞一髮矣

且四皓隱者何預人世出而入朝一言以定太子
此亦理之所必無向曾於題馬遠畫中辨之詳茲
因詠廷標畫故復及之名曰反牧之其實闡牧之
未盡之意耳

西山既學採其薇那管人間閒是非待到南軍袒左袖
爾時劉滅已幾希

詠金剛四相

無始劫來相與共合成四大以為身五官各自有分職

一已誰當作主人書義惕哉曰撫后易辭深矣要觀民
深源却喜周旋久真是迷頭認影倫

右我

天地之間占一才可知七尺五倫該體仁足長期無忝
類族為同要有培區畛那應分彼此情田須是闢汙萊
在知善任寧容易惟帝其難益慎哉

右人

草木無情物有情一般得號曰衆平聲生花榮葉落寧非

性蠕動肖翹各別名不識夢中猶未覺平添幻裏許多
爭吾惟胞與殷深念何暇如來行處行

右衆生

耳聽弗聞目視遲呼人欲語忽忘之易令生厭曰惟耄
竄不可爭者是時往事迅如流水過貪心翻似小兒癡
幾多顛老還悲老云此非愚愚竟誰

右壽者

詠金剛六如

黃帝真人豈過

去聲

譽却傳晝寢到華胥據龍吐鳳寧誠

有三卜六占總涉虛園吏誕聞桐作蝶牧人虔祝衆維
魚謾云夢了斯覺也可識覺時亦夢如

右夢

知假疑真真本假謂無却有有還無吞刀吐火誠奇矣
呼蟻喚蜂儻是乎謹論曾聞獻陳禪

去聲

巧思何足羨公

輸眩人自詡能愚衆豈識原來被衆愚

右幻

激起浮來亦底奇相遭風水偶成斯海潮見說賦盧肇
蟬蛻還曾悟戴逵欲捉無從空摸擬徒看有相去聲孰噓
吹儘知散去為消滅害入聲不觀於未聚時

右泡

日中鐙下驀然逢何自而來此相入聲從舉手互招但無
語離身欲避鎮隨蹤悲歡憂樂常依體幼老妍媸揔象
容元定未知原是假却稱不愧益為恭

石影

為布為沈誰則司子虛撰述率如斯空傳寶甕漸已減
及至銅盤實益卑未許降甘誇瑞錄却思助潤有忠辭
襄陽杜甫寧聞道富貴草頭一中去聲之

右露

月令仲春始見之義經取象實同離投壺玉女天開笑
飛索豐隆雷游隨目不及看光燦燦意何從擬勢靈奇
誰知貝葉傳心法一切觀如是有為

右電

山東巡撫崔應階奏報得雨

減從巡民到省東甘膏逢日此原同

京畿於四月初一日得雨崔應階摺

奏亦於是日行部至青州逢霽甘霖

登萊已慶黍苗碩充濟蕪稱麥穗茂

問去旨猶遲彼遞報來信早慰予衷

前日山東尚未奏報得雨於四月初

七日傳旨詢問崔應階此奏於初六日在青齊途次所發計問旨尚未到彼也

纔過旬又思繼

潤蜀望自知太過中

暢春園無逸齋疊舊作韻二首

萱祀詢

安罷松軒每憩憑茨茅常致仰階土易為登夏樹陰將
密溪風清莫勝周書即舜典

家法凜繩承

對時思育物即景未忘言竹韻輕敲院花香細入軒惟
勞以為逸曰靜不嫌喧髫歲憶承

澤恒蒙

霽色溫

由萬泉隄上至聖化寺即景襍詠

暢春本就戚園築

春明夢餘錄載丹稜汧旁為明戚畹李武清別業暢春園蓋因其舊址

建稜汧猶堪遺蹟尋咫尺萬泉資灌溉重教平相土一

詳斟

甲申䟽治起農功泉利猶遺可擴充春仲鳩工闢塍畝

萬泉久湮塞甲申歲始命䟽濬即其地開水田今春復加壅闢稻畦鱗次屬以長隄迤邐至聖化寺宛然江鄉

風景稻秧今看已菁蔥

沙泉大小匯成池潴蓄宣通實賴之利在農田合祈報

經營方向構神祠

宛轉循隄竺宇通清溪左右繞煙宮仲春曾此一停蹕

仲春啓蹕謁
陵曾於此停蹕視事

秦

又覺流陰瞥眼中

閒齋精潔足磐桓爛漫階前綻牡丹春雨頻滋風復少
枝頭花朵大如盤

菱葑別於前歲為引泉曲注已成池齋傍仍有餘閒地
可作稻田命墾治

虛靜齋疊近作韻

近作頃成前題依

奎畫邊

恩慈即景憶歲月不期遷綵筆無花點珠簾隔絮懸既
虛還致靜何處弗應然

昆明湖泛舟

聖化寺墻隄左邊出墻輕舫溯長川

聖化寺在長河隄左出墻登舟即達

昆明湖

繡漪橋影鏡奩展萬壽山光畫燈懸岸柳已藏黃

鳥轉槳蘭微帶翠萍牽湖波漫惜減三寸正為去聲乘時

灌稻田

疏治昆明湖本為蓄水以資灌溉稻田之用每春夏之交湖水率減數寸蓋因稻田多以濟

雨水或缺也林丞但知守湖水尺寸而不計及灌溉此有司之見嚴禁不許

水村居

沙岸維蘭舫水村叩竹扉
逕多紅蕖護屋有綠楊圍
驅馬稻秧佈育蠶桑葉肥
非關閒綴景藉可驗民依

景明樓

高樓左右影澄波一歲之中
一兩過津逮希文序題額
景明却又度春和

耕織圖口號

稻已分秧蠶吐絲耕忙亦復織忙時漢家欲笑昆明上
牛女徒成點景為

暢觀堂

暢觀豈易言必也心暢好心又豈易暢必也登萬寶春
中及夏初霑膏沐

大造以此鱗塍間菁蕊茁秧稻邇來過半月風盛覺炎
燥思當一雨滋雲勢空如掃吾心那暢然躊躇佳兆保

懷新書屋

前度已成陳懷新真是新良苗窓裏綠活水
田邊銀斯景誠無匹羣芳那足倫西成期尚早未敢祝高囷

睇佳榭

四時佳景遞無窮高榭惟憑一覽中今日稻芄將麥秀
絕勝柳綠與花紅

微雨

四月十七日

垂霖簷牙滴響聲為時惜弗久旋晴已欣麥有可收兆
因悟誰無患失情寸地潤來終是澤片雲飛去頓成輕

不風尤好風偏作硃筆拈吟遣意怱

風

清明日風占風多幸皆風後雨隨霈昨來半月始微雨
今日蓬蓬勢轉大雨潤不足抵風顛園居心塵農郊外
乘疇麥隴雖青青可云根潤弗致害交夏早過土王
時其占應越清明界竚俟風息甘雨零誦誦卜度誠無
奈

後莽子行

平聲

將謂莽子少猖獗不然劉藻何自刎幸予聞信早易督

不然軍務誰為準疥癬豈足興六師土司遑斃亦堪憫

綠旗兵雖非勇戰守土之責調以近

莽匪侵擾土司邊境雖小醜不足煩

中討然土司久隸版籍兵燹遽罹情亦堪憫而劉藻所

調綠旗兵不及千人未足以壯軍聲而警賊膽因命多

調滇省防兵七千餘厚集其

比及閣督至滇南

初聞劉藻自賊

之信疑莽匪勢或未能驟戢及楊應琚甫至滇中已次

第告捷迅奏成功則其事本非難於措置使劉藻居此

亦未嘗不可望集勲懋賞乃早以畏怯引決貽羞搢紳

若非予預燭其無能先期易督臣馳往則軍事將何所

乎早報藻也小弗忍其時統軍兩總兵

總兵劉德成華封分路進搗孟

良整欠勦平巢穴賊首窘急竄逃楊應琚聞報即檄兩鎮四路追躡設法擒捕而於善後諸事並籌畫有方因

敕部

議叙廓清邊徼威已振

叶

因知莽子怯於雀綠旗已足

毆叢雋孟良整欠實賊巢賊首棄之逃迫窘閣督馳檄

二統戎務獲賊首毋容隱莽子之役畢於此次第撤兵

無事緊十三版納昨蹂躪招徠荒土俾勤墾

楊應琚奏十三土司

經莽匪焚掠多未耕作令邊境已寧諭令各回本土借給籽糧俾乘時墾種十三土司即十三版納以其地俱以猛為名故又謂之十三猛因念此十三土司元氣未能遽復降旨將本年正賦上年舊欠銀米三千八百餘

槩行豁免以示優恤之意

土賊不多亦正供降旨豁免蘇窮蠡譬之

庸愚御駕馬弗進於行徒傷吻庖丁游刃有餘地事在人為言益允

西直門外

甫踰廿日復還宮殿選文材衡至公

廷試新進士命讀卷官以前列十卷

進呈閱定甲乙即拆名引見翊日御殿傳臚

麥穗已齊禾乘茁青郊農况攬

籌中

前度幸逢雷雨後邇來已逮望霖時情知數日雖堪待
無那憑輿切切思

高下菁蔥景實佳因之益座保佳懷得無前此慰為滿
以致而今變變乖

御殿傳臚

三年一舉右文儀未可尋常例視之衆對策皆攄所學

親掄頌在不忘規

昨閣前列十卷親為掄定條對雖皆詳贍而原擬之第六卷尚知頌不忘

規因特

擢第一或逢甘雨隨金榜

時頗望雨

且喜微風靖綵旗必有

真才濟實用殷吾渴念於茲

題素尚齋

掄魁禮畢西華出西苑憩尋泉石清脫却朝衣換常服
果然素尚副齋名

由南池北岸至豐澤園望瀛臺未至作

液池南北中一水分三界勝朝號三海
椽人特張大瀛臺實在南樓閣金碧繪以言結構幽未若豐澤
寂況可課農圃

家法實超邁南池循北隄肩輿曉涼快一望與一至
其中識勸戒

植秀軒對竹有會

山軒名植秀四面圍綠竹試問植物中秀應讓誰獨

解一

竹亦有秋時梢頭葉或黃不爭衆木青節概故異常

解二

雨於春夏交南多北艱致補助在人為汲水課澆埭

解三

暇即課澆埭園人前致辭權且不宜澆綠埭抽筍時

解四

問其故為何水多筍屈曲匪愛實害之郭橐言可復

解五

若然雲棲林地如雨且靈何以行鞭時十丈拔森森

解六

對曰此實異雨乃天膏賜井寒河或汚其水不同致

解七

情知此巧言不復斥其非澆竹猶小事戒在莫予違

八解

自長河進舟至昆明川路即目得詩六首

倚虹堂畔進煙舟一泛長河溯逆流已爽人炎寧不塵
知他緯路柳陰稠

舟移岸轉幾循迴樂善名園近水隈屬我盼霖遊興懶
藥門徒望竟空開

沿隄陸隴復溪塍一例菁蔥象已憑再得時霖收可卜
為茲渴澤念彌增

廣源開限水高低登陸易舟復進西川路何妨較常淺
節宣原為去聲灌鱗畦

岸傍萬壽古祇園禪衲紅衣跪候門寫出都官詩裏意
不須到點向重論

溪路曾無廿里遙鳴榔徑渡繡漪橋誰言拙速六章就
也覺其間半刻消

鳳凰墩

非舫弗能至一年一再來似茲誠慢矣笑我何為哉岸

樹陰不到渚花香未開秣陵莫須憶太白早登臺

惠山園

近岸維舟日未午小遊聊趁片時閒恰如墩適離皇甫
便是園今到惠山松傍明亭常落落泉淙暗竇自潺潺
引思那在秦家墅祇在民情親切間

微雨

四月廿五日

傍晚西山殷其雷族雲送雨須臾來須臾來亦須臾止
仰天明見斗河魁地皮剛濕惜未寸麥禾馬能潤及茲

解之者曰夏甲子農占不雨幸為佳

是日為立夏後初甲子占書以雨或

致潦因有以雨勢未成為幸者

吾惟渴望濟目下一惜一幸難為懷

賦得麥浪

五言八韻得翻字散館試題

自春徂夏首膏雨幸頻繁以此幪幪秀宛成
漼漼翻是波原不濕占候未宜溫那可穀紈擬應知餅餌存色同
萬頃碧聲異一溪喧利豈楫舟用澤為衣食源其霑益
顯望實穎庶堪言憫彼三農苦籌茲八政原

題楊大章四季花卉

碧桃

夭夭桃朶依依柳都占東風第一枝
欲問詩人陌頭態
可如天上艷陽姿

長春

逐月枝間窈窕紅天然頭踏報春風
草蟲蠕動纔蘇蛰
便赴陽和上露叢

木香

嫩嫩昌條瞢瞢黃和煙籠月不勝香
相扶那藉縛花架

看取孤枝自在芳

虞美人

淡抹濃粧總覺嬌弱枝猶學楚宮腰聞歌起舞曾何謂
劉項滄桑事已消

右春花四種

萱花

青青葉襯夏花黃儘足風流祇少香我是先憂天下者
便教樹背那能忘

夾竹桃

亦復猗猗亦灼灼
淡紅踈翠特丰姿
連昌宮向牆頭望
正是元家得句時

山丹

幾叢薔薔綻墻陰
艷疊紅羅惹蝶尋
比似淮南應致笑
山人何得有丹心

萬壽菊

非菊何妨得菊名
黃中色暎日華明
玉階金砌灑朝露

恰似稱觴對

座擎

右夏花四種

鳳仙

尾翅翹然象九苞尋常秋色短墻坳楚狂早是歌衰德
湯擬雖離阿閣巢

秋海棠

幾朶猩紅軟玉粧秋風初試怯猶遲依稀七夕長生殿

可憶無人私語時

牽牛

河畔黃姑不耐單服箱空望露華溥連延蔓引楓枝上
抱樹秋蟬為去聲唱寒

雞冠

疊卷層舒穗簇攢不同花樣關花冊玉墀雅合成雙種
絳幘雞人一例看

右秋花四種

蠟梅

梢頭磬口艷含香
撚蠟誰家製女郎
何必區區較形狀
羶薌早是有蘇黃

水仙

心鏤黃金瓣裁玉
玉金豈足累清高
傳神若問誰稱最
八斗惟應子建曹

山茶

淺紅娜娜弄芳菲
凌雪依然麗曉暉
設擬唐宮鬪絕色

梅妃側畔有楊妃

梅

古淡丰姿清淨香貞元消息采中藏
女夷若道無神解
那令斯花殿衆芳

右冬花四種

藏紙扇

風裏雷音演雲中龍爪行動搖含妙諦
空色離去聲常情
祇此賅三藏知他勝五明
如因咨半滿猶屬語言爭

仲夏玉泉山

仲春曾一至仲夏此方臨徒覺拋山靜來申禱雨枕羣
芳付夢閱千頃待膏斟豈不亭臺好心煩懶去尋

玉河

玉河舟去復舟迴泉弱水微露岸隈一雨應教諸事美
越難片刻鎖眉開

題和闐玉五老圖

峯如列廬阜人似會睢陽意喜泉同潔形奇松共蒼閒

中鮮蹤跡幽處足徜徉
湯擬遊河瑞吾方愧望洋

端午日詣

暢春園問

皇太后安

本擬登秋歌麥含邇來
冀澤實難堪數朝雖可
需濡待五日何能宴賞
耽

萱祀尤同斯望切蒲筵
寧祇在調甘承

歡養

志胥應黽對節徘徊用是慙

詣

黑龍潭祈雨得詩四首

靈湫由來

神所憑功叅

帝載佑農登麥臨秋乘禾臨夏待澤躬

祈敬倍增

申酉誠然得酒漿春膏亦復兆農祥因之益願綏豐繼

顓顓優霑切悚惶

乘疇稷穰綠芄芄景與常年略不同

去冬雪甚霑足今年春雨亦調勻故

早苗已長發晚田亦種植茁生惟自四月朔得雨以後未得透雨現在望澤頗殷然大田景象較常年迥異此時即得甘膏優渥秋成仍可望豐收此曰慰尤此曰保兩難為置念紛中

步

禱寧辭石級高無能調幕首頻搔兩年前況依然在

未

曾來禱雨甲申乙酉皆以雨調未來祈澤

請雨憫農一念牢

微雨

五月初六日

龍潭祈澤迴晴宇無片雲過午望西山英英吐霧霧條
忽殷上聲其雷送來雨絲棼須臾風散之潤不及寸分坐
立難為情瞪發勞徒殷陡益一天愁那覺片刻欣

賦得鑑空衡平

五言八韻得公字
朝考題

隨月軒皇鑄巡方虞帝同呈如銀魄皎懸共玉樞崇平
準從繩木空含出冶銅妍媸那先設輕重應無窮形象
非留滯循環靡始終旃摩寧底藉瑤鏤不須工是謂具
神用堪因悟大公箴言思蘊古觸目警吾躬

雨

五月初九日

作勢雲容密復疎
盼晨問夜越愁予
誰知傍晚優霖驟
竟致通宵細霰徐
五日為期真弗爽
一犁不止覺猶餘
麥仍望穫黍禾蔚
惟是惕如勝慰如

晴

渥雨霑膏壤薰風喜快晴
麥薺漸平聲平弗慮禾乘長上聲如

爭池水侵尋漲樹蟬一兩鳴
曉涼披露氣頗覺穀衣輕

題宋瓷辟閣

質欲閱千歲用堪佐六文鐵釘猶可據薜暴那曾聞盈
手竹裁節通身冰裂紋持將贈逸少作字換鸞羣

西直門外

孟夏之初此出城時雨應候方喜晴過望以逮五月朔
展轉盼澤千愁生其間一二亦微雨不及分寸徒勞瞪
月之九日乃大霈以日繼夜優霑并即茲

方澤應舉祀預齋禮合旋宮庭城外農况歷歷閱二麥
原可歌豐登黍稷梁蔣綠遍野景與去年頗不爭然則

吾憂未虛擲又聞謙益損於盈那無為慰那敢慰惟曰
戒盈謙勵增

題女史陳書畫頁十種

古木脩篁

子昂題句仲姬畫

元時管道昇畫多有趙孟頫題此冊乃尚書錢陳羣母陳書所畫每幅俱

有其父錢綸光題句相莊風雅故不減趙管云

頗有今人似昔人幾個脩篁依

古木龐公高躅別傳神

蘿蔔霜松

畦蔬小摘供盤飧
熨齒葡萄頭與菜
根咬得此中無限
味
寫將清白示兒孫

餽果珍禽

飛來珍鳥自棲枝
欲啄垂瓊意且遲
淡墨淺深分向背
清風林下有如斯

襍果

楊梅
桃

枇杷

楊梅酸與露桃甘
可做尋常世味參
一例琵琶彈別調
前三三即後三三

眠犬

一團烏玉卧婆婆似解黑甜樂趣多如此宴眠不吠盜
主人畜爾意云何

蝴蝶鳳仙牡丹

嫋嫋蠅蠅態各奇軟紅芳綴一絲絲采香欲識春駒意
好是花叢未入時

怪石古栢

怪石礧礧古栢森煙霞之表結同心錦宮城外如相見

用陳犀父
綸光題語
定是曾經老杜吟

春溪水族

青青弱藻泳魚蝦幾片輕紅貼落花試看

去聲

春溪圖越

若豈殊秋水對南華

梅溪

清溪月影一輪孤屣屣人真號弄珠若問詩中傳作者
不於高啓在林逋

花籃

幾般寒卉筭簾褰不是春園桃李芳玆重齊眉成合璧
自應綿慶繼書香

此冊為錢陳羣父母手澤貽留今陳羣欲登之石渠
以永其年朕思石渠所藏陳羣母各種畫頗多不忍
更留此因各題一絕仍以賜陳羣俾其家什襲為傳
世之寶並命金廷標倣寫成冊錄原題收入石渠藝
林當增此一段佳話也

元制誥之寶歌

理藩院摺具奏聞鄂爾多斯呈辭中東魯卜瞻礮其人
爵列貝勒五等掄所屬敦珠克旗軍牧羊哈達圖山垠
風沙中見金色焜掘得一章剔苔痕諦觀不識何所云
似非尋常印則真貴物弗敢私留存敬報典屬獻九閤
開匣發囊摩視頻制誥之寶小篆勻用鈐勅諭頒絲綸
范金五成擁瑞雲升龍蜿蜒之而鱗上結寶燄敷玳璘
更鐫天竺平頭文咨於章嘉胡土克圖譯語陳三寶呵護吉
祥臻審知此器貽大元爾時敬佛黃教尊威震外域平

中原國師八思巴超羣授戒於內外諸臣卓哉希憲獨
不遵無何天魔踵事新人事日壞神弗欣皇覺寺僧劉
季倫創業撫安天下民倉皇出塞重器淪閱世自出龍
堆墩藩臣表進嘉忠純衛拉鐵章那足論其制大小誠
迴分鐵章為榮妄阿拉布坦時得自西藏為準噶爾傳
世之器而此寶則鑄自元時帝主以鈴誥勅其輕
重不可同日而語且寶係範金為之方得四寸厚得九
分紐為蟠龍雲燄通高五寸而鐵章則鐵質木柄方僅
寸有五分厚僅二分許其
大小形制亦迴不可侔聯類比事鏡戒諄殷鑒在夏

周在殷

夏至齋居

雨足炎如失日遲晝正長致齋存一敬撫序過純陽徹
樂無琴瑟消閒有縹緗薰風方應候殿厦納微涼

夏至日

北郊禮成有述

歲歲躬親致敬恭

廣生綏屢沐

恩重

方壇有澤晨光辨碧宇無雲露氣濃爵獻以三浮綠蟻
樂宣惟六徹黃琮曉涼緣是霑甘雨預籲西成意倍顯

麥收

山東八分餘河南九分上又聞關中麥較豫猶覺王直
督近具報豫計收成狀亦可贏八分疑信未即諒昨因
禮

北郊藏事園林向輕輿閱農田目謀勝耳訪秋麥則畢
艾頗有崇墉相叶春麥尚待熟雨後籽粒壯以此國麥

戶爭糶價已讓預報誠非飾額手感

天賦

午熱

北至候方過溽暑節尚未曉涼雖氣清午熱已炎熾廣
厦靜猶可窮簷煖那避思當一雨佳囂蒸與湔漑尋憶
圃場間正當曬麥穗協時及籌農殷心兩難置

詣

黑龍潭謝雨

致祈澤霈流

神貺此虔酬攀磴仍步上

來祈雨澤時步上石級致敬
茲以來謝尚乘進肩輿却之

仍步上弗敢以
雨霑少懈也

霑田敢意偷誠然

天緯贊原不已躬謀下視高低隴
芄芄綠似油

遊大覺寺禰詠疊舊作韻

祈雨居然渥一犁謝霑之便路遵西精藍自合絕人跡
何事亦成桃李蹊

桑禾夾路蔚青秧塲圃風吹打麥香
半月憂勞一朝慰

更無須悟幻和常

白足僧人衣水田都官詩語莫須然無言小坐片時去

消得清吟

和去聲

昔年

大覺寺

竺宇暘臺

山名寺在山之下

麓叢林鎖碧煙境幽禽出谷寺古

樹叅天池水洗心竟旛風說偈元山僧候答語却不與

談禪

龍潭

常聞佛說法必有天龍護淨域有靈潭應安那伽

梵語謂龍

為那伽

住泉府蟠清深解澤興雲霧雖非請雨來於惠豈

辭屢但願以時晴何妨以時澍

四宜堂

花宮右側有書堂楣額虔瞻

御藻光

堂額乃
考御筆書賜者

皇

筆法詎惟仰

鸞鳳心傳直欲溯

羹牆秋冬春夏四旋渢明暗色空一幻常小坐便當催

轡去柳陰好趁午風涼

銀杏

老幹陰森尋丈餘數人連抱峙階除
金顛元躡明消滅
一例無心閱幻如

憩雲軒

出岫與成峯無心亦無法有為即有勞
於焉憩乃洽雲
則安藉憩題軒似未協已而小徘徊
英英寫繩榻去予
既弗辭來芳仍聽合憩斯真覺宜相與
悅淨業

領妙亭

四柱孤亭倚碧山飛流足底落孱顏問余領妙於何處
祇在麥塲禾隴間

錢穀杜甫詩意圖

五月江深草閣時檣林颯颯引寒颼傳神設擬杜工部
坐對嘉賓定是誰

題和闐玉漁船圖

團圞宅汎家浮樂事此外奚求曬網捕將活鯉換錢沽

得佳竊風笛有腔無調夜犬不吠何愁底識伊人如玉
蓋知張志和流

御製詩三集卷五十七